

КИРОВЕЦ

Тыловой ВКП(б) Райкомлэн но Райсполкомлэн органы

9 январе 1938 арын | № 2 | 3-тй арзэ потэ

Тулыс ю кизён азе отлично дасяськоно

1937 арын колхоз'эс бадзым урожай басытзы. Нош та успехен ноказы али успокоиться карыськоно өвёл. Нырысь задачаен каждоезлы колхозлы 1938 аре эшшо но бадзым урожай басытон вылысь тулыс ю кизён азелы по-большевистски дасяськоно луэ. Нуналысь нуналэ тулыс ю кизён матэ вуэ. Соин ик али чик могатэк колхозэн колхоз, бригадаен бригада, звеноен звено паськыт соревнование организовать кароно. Азымынсь колхоз'эс тулыс ю кизёнлы умой умой дасяськон вылысь вылазы обязательство басытзы но мукет колхоз'эсыз ётзы.

Тани „Сосновый бор“ колхоз Дебесс районуысь тулыс ю кизён азелы умой дасяськон вылысь, 1938 аре Сталинской урожай басытон вылысь обязательство басытзы. Со обязательствозэс али колхозник'эс колхозницаос ужвылын быдэсто. Асьме районамы колхоз'эс та „Сосновый бор“ колхозлэсь обращенизэ обсудить карызы но озы ик вылазы обязательство басытзы. Тани „Путь Ленина“ колхоз, Сурон сельсоветысь кол-

хозной актив обязательство басытыса тазы веразы. СССР-ысь Верховной Советлэсь нырысетй сессизэ 12 январе тулыс ю кизёнлы умой дасяськонэн пумиталом. Со понна кутсаськонэз круглосуточно организовать каром, семенной но фуражной фонд тырмыт кисьтом, кидыс сортирвать каронэз организовать каром со вылысь, чтобы ю кидыс пёлы жаг турынлэн одйг тысез но медаз кыль. Сельхоз-машинаосыз, инвентар'эсыз ремонтировать каром, вал'эсыз умой упитаное дасялом, кидыс воштонэз полностью быдэстом, агротехникаез умой тодыны кружок кылдытом, минеральной удобрилэсь планэз тырмыт быдэстом, пень люкалом, кыедэз вортгом но мукет.

Озы ик мукет'эсызлы колхоз'эслы соревнование включиться карыськыса умой кужымез пуктыса тулыс ю кизёнлы умой дасяськоно: СССР-ысь нырысетй Верховной Советлэсь сессизэ Сталинской урожай басытон вылысь тулыс ю кизёнэз пумитано.

Одйг трактор но ремонтировать карымтэ

МТС кылем аре трактор'эсыз ремонтировать каронын безобразно бере кылыса мынйз, но со гинэ өвёл, трактор'эс вредительски ремонтировать каремын вал. Тулысь ю кизыны потыса арня но трактор'эс ёз чидалэ, стройысь потылызы. Соин сэрэн но вал'эс уродэн районамы ю кизён 2 толэзлы кыстыськыз.

Туэ но МТС трактор'эсыз ремонтировать каронын туж умой ик уг ужа. Али дырозь одйг трактор но ремонтировать каремын өвёл на, ремонтлэн графикез сорвать каремын. МТС туэ мастерской лэстыны кулэ вал, нош та уже МТС

ёз но кутскы на, озы ик график сорвать каремын.

Тани валче ик верано луоз, что прицепной орудияос, плуг'эс но мукет'эсыз подобрать карымтэ, лудвылын кылле. Озы тини тракторной плуг имени Ленина колхозлэн лудвылаз лымы улын шедыса кылле.

Ваньмыз таёе факт'эс возматэ, что МТС-лэн дирекциез кылем арлэсь вредительской трактор'эсыз ремонтировать каремлэсь действизэ учесть ёз кары. Али могатэк та уже зол кутсконо. Массовой ужез золымыгоно, стахановской движени кылдытоно.

Красной уголок ляб ужа

Оханск сельсоветысь „Эрик“ колхозын красной уголоксы туж урдэ ужа. Красной уголок пырак замокен пытса улэ. Нош колхозной массалэн шугэтскон дырзэс культурно орчитэмзы потэ. Колхоз правлени красной уголке лите-

ратура выписать уг кары. Тини милям егит'эслэн жытазеосы газет, журнал'эс лыдзэммы потэ. Жог-а колхоз правлени таёе ужез шо-нертоз, кема-а культурной улонлы пумит учкоз на.

Никитин.

Тулыс кизёнлы образцово дасяськом

Ст.-Кыч сельсоветысь „Путь Ленина“ колхозысь ми колхозник'эс туэ хозяйственной арез умой йылпум'ян вылысь ужаны кутским. Етин сётон планы октябрьской торжествоозь быдэстэмын. Али ми тулыс ю кизёнлы кужмо дасяськысконо. Ю кидысмы вань культура'я декабрь толэзэз ваньмыз кыстыса быдэстэмын. Соин ёш ик милям быдэстэмытэ уж'эсмы но вань на. Со ужез быдэстон вылысь ми али ужаны кутским. Соин ик таёе асьме вылэ обязательство басытськом.

Кутсаськонэз уйно нунал организовать каром, та матысь нунал'эсы быдэстон вылысь ужез пуктом. Доходэз трудодея люкылыны жэгатскытэк кутском. Вылй урожай басытон понна нюр'яськом. Со понна минеральной удобрениез дырылэсь азыло ворттыса быдэстом, озы ик кыед потгон уез пень люкан ужез та нунал'

ёсы быдэстон вылысь уж кутом. Сельско-хозяйственной инвентарез ваньзэ ик умой но дыраз тупатом. Сик дасянэз IV, I кварталэз тупатэм планэз дыраз быдэстон вылысь нюр'яськом. Вань молоднякез сохранны карон вылысь нюр'яськом. Пудо животлэсь тырлыкэс вылйлыкэн каром. Сталинской сельхоз уставез изучать карыны кружок организовать каром. Со сяна огротехучебаез дышетыны кружок организовать каром. Колхозын культураез жутон понна нюр'яськом. Неграмотнойэсты ваньзэ дышетом, стенгазет вискарытэк поттылом.

Ваньзэ та ужез СССР-ысь Верховной Советлэсь нырысетй сессизэ вормон'эсын пумитан вылысь нюр'яськом Соревноваться карыськыны „Пионер“ колхозэз ётиськом.

МАКСИМОВ, АНДРЕЕВ С.
НО МУКЕТ'ЭСЫЗ.

Соревнованиез паськыт вёлмытоно

1938 арын вылйлыко урожай басытон понна нюр'яськон со котькуд колхозниклэн, колхозничалэн бадзым ужез луэ. Сталин эшлэсь 7—8 миллиард пуд утысь басытон лозунгэз одно ик уж вылын быдэстоно. Таёе пуктэм залачаез валаса Сурановской сельсоветысь колхозной актив тулыс ю кизён азе умой дасяськон вылысь вылазы обязательство басытыса Зюзино сельсоветысь колхоз'эсыз соревнование ётзы. Нош Зюзино сельсоветысь колхоз'эс та ётемлы ноказы но уг вазысько. Соос тазы малпало но верало, что дыр али кузь на, вуомы. Зюзино сельсоветысь колхоз'эслэсь тулыс ю кизён азелы дасяськемзэс эскерыса нош ноказы чиданэз өвёл.

„Красная звезда“ колхозын кутсаськон уг мын, ю кидыс одйг килограмм но кыстымтэ, сельхоз. инвентарь уг ремонтировать каро, уг но малпало, кузница куашкамын. Минеральной удобрени вайыны ёз кутскылэ на. Колхозлэн председателез Кожевников та уж'эсыз организовать уг кары.

„Пролетарий“ колхозын но мукетаз колхоз'эсын озы ик ноқычё тулыс кизён азелы дасяськон уг нуо.

Зюзино сельсоветысь колхоз'эсын кивалтисьёс марлы та ужез организовать уг каро, Сурановской сельсоветысь колхоз'эслы ответ уг сёто?

РИК-лэн парторганизациез ляб кивалтэ

РИК-ын первичной парт-организация составез'я районысьтымы вань парт-организациослэсь бадзым луэ. ВКП(б) член'эс 9—лыд'ясько, ВКП(б) кандидат'эс 3 мурт, сочувствующийёс но 4 мурт, со бере комсомол организаци но татын бадзым. Озы бере РИК-ысь парт-организация самой умой мукет'эсызлы первичной парт-организациослы синмаськымон пример'эс возматыны кулэ вал. Нош кыдэмын со озы өвёл. Куд-огез РИК-ысь парт-организациысь коммунист'эс парти дисциплинаез чидантэм куашкато, партпору-чиосы выполнять уг каро. Захрушев ВКП(б) кандидат луэ, талэн 8 толэзэ ёжелы партийной взносы тырымтэ Вахрушевлы парт-организация туж бадзым ответственной уж району антирелигиозной ужен кивалтыны поручить карыз. Вахрушев по-большевистски та ужен

кивалтон интые тазы со вера:

„Мыным уждун со понна уг тыро, бере, марлы ужалом“ шуэ Вахрушев. РИК-ын бадзым комсомол организация. Комсомол организацилы юртыны Байканов эш парт-организациен юматэмын. Нош Байканов эш ноқычё комсомоллы юрттэт уг сёты. Али комсомол организациын политучеба уг мыны, Байканов эш тае возглавить уг кар. Уно ёже партсобраниян РИК-ын сгенной газет уг поты шуса, но та ужез организовать карно шуса пуктыло. Нош ноқычё результат уг луы, стенгазет өвёл. Ваньмыз таёе факт'эс'я но РИК-ысь парт-организация тупатон вылысь ноқычё ужрад ёз кут на.

РИК-лэн парт-организацияз райзо, почта но мукет отдел'эс пыро. Нош та от-

Китайын военной действоос

Центральной Китайын Шанхай, 4 январе. Центральной фронтын военной операции мынэм сярись сведениос өвёл. Китайской печатлэн ивортэме'я, берло нунал'эсы Центральной Китайлэн район'эсаз партизанской отряд'эс операция нуо. Соос японской войскаослэн тылазы действовать каро. „Хуамейваньбао“ газет пус'е, что Шанхай-Нанкин-Ханчжоу районуны подсобной частьёсын валче вераса ог 200 сюрс мында японской войскаос лыд'яско ке но соос чугун сюрес линииос кузя гинэ люкаськемын. Нош чугун сюреслэсь кыдэмын район'эсы потаны японц'эс кышкало.

Южной Китайын Лондон, 4 январе. Японц'эслэн Китайлэн южной побережияз военной операции нуыны туртэменызы, Гонконгын чрезвычайной мера кутыны обявить каремын. Та мерая местной английской властиёслы паськыт право сётыське. Кылсярись, правительство подозревать карем мурт'эсыз судтэк цензура, арест лэстыны но наказание сётыны но озы ик имуществоз, транспортэз, склад'эсты конфисковать карыны, но озы ик предупредить карытэк вань коркаосын обыск лэстыны быгатэ.

Животноводство ужез Жуйков сямен пуктоно

„В—Четкер“ сельсоветысь „Планета“ колхозысь Жуйков Ефим животноводство ужез умой пуктыны быгатыз. Жуйков толэс'эс ты но чуньыосты ваньзэ 11 йыр сюлэ. Толэс'эс ваньмыз чебересь, тырлыксы шорокуспо. Толяс'эс кёс югыт гидын уло, толэс'эсты Жуйков нуналмысь сузя, прогулкае поттылэ. Тини Жуйков животноводство ужез яратыса ужа. Талэсь ваньмызлы конюх'эслы пример басытоно. Ончуков.

дел'эсын ужась коммунист'эслэсь отчетэс кылскылон организовать карымтэ. Нош туж-а умой пуктэмын райзоын уж? өвёл умой. Али районамы кутсаськон ужен, семенной фонд кыстыон ужен, сельхозмашинаос, инвентар'эс ремонтировать карон ужен но мукет'эсыныз бере кылемын. РИК-ысь парт-организация райзо но мукет организациысь коммунист'эслэсь кивалтэмзы сярись ляб эскере.

РИК-ын парт-организатор Чунарев эш луэ. Чунарев выль мурт, нош татысь коммунист'эслы одно ик Чунарев эшлы юрттэт сётыны но сое ужаны валэктыны кулэ вал. Валэктон өвёл. ВКП(б) райкомысь инструктор'эслы но Чунарев эшез валэктыны одно ик кутсконо луо.

КНЯЗЕВ.

Сик дасян планэз одно ик быдэстоно

Шудэялуд сельсоветысь колхоз'эс IV кварталын нюлэс дасянэз проч куашкатызы. Сельсоветын вы-полнениез коран'я 34 процент гинэ быдэстэмын, ворттон'я 53 процент быдэстэмын. Сик дасян соин гинэ ляб мынэ, что колхоз председательёс, сельсовет но Лесопунктын ужасьёс сик дасян ужен чик интересоваться уг карисько, сик дасян ужен уг кивалто. Сик дасянын стахановской движени вёлмытымтэ, стахановец'эс ёвёл, колхоз председательёс сик уже асьснос чик уг ветло, соос уг тодо умой ужасьёсты, озы ик сик ужанын массовой уж ёвёл.

Тини „Красная горка“ колхозлы сик дасян деянкаозь 2 километр гинэ, озы но сик вортгисьёс окпол гинэ сик нуо. Сыче ляб ужамен результатэз но лябыт. „Красная горка“ колхозын сик коран 588 кубометр интые 25 кубометр гинэ корамын. Сик ворттон'я 240 кубометр интые 70 кубометр гинэ поттэмын. Колхозлэн председателез Касаткин, сик дасян ужен куашкатон выльсь ужа, ужен уг кивалты, сельсоветлэн членез Ложкин сикын ужаса но ляб ужамез палэнтон выльсь покыче уж уг куты, со ачиз ужен азинтонлы тор-мозить каре.

Сыче ик уж „Заря“ колхозын но сик дасянын покызы чидантэм ляб ужало. Колхозник'эс но колхозницаос сик дасянын токма гинэ ужатэк дырзэс ортыто, шонерак вераса „лялэ тышкаса“ дырзэс бытто. Тини сикын ужасьёс Лыткин Федор, Богатырева Анна, Микрюкова Клавдия но Соболев Александр сикын азьтэм ужало,

лумбыт ужаса соос котыр 39 копейкалы гинэ ужасы. Та факт возматэ сое, что сик дасясьёс ужан нуналэз уплотнить уг каро. Озы ик „Заря“ колхозлэн председателез Михеев сик дасян ужен чик уг кивалты, Михеев сик корасьёс доры одиг пол но ёз ветлы на. Та че ляб ужамен сик дасян планзы IV кварталын 970 кубометр интые 216 кубометр гинэ корамын, ворттон'я 300 кубометр интые 229 кубометр гинэ планзы тырмытэмын. Озы ик „Прогресс“ колхозын но нюлэс дасян уж кулээз'я пуктымтэ.

Сик дасян уж соин но ляб мынэ колхоз правление Наркомлесль 16 февралэ 1937 аре сик ужын ужась колхозник'эслы уж дун тырон сярысь пуктэмзэ игнорировать каро. Наркомлеслэн пуктэмез'я сик корась колхозник ужамез понна лыктысь коньдонэз ваньзэ ик ас кияз басыны кулэ. Валэн ужаку ужамысь 50 процентэз колхозлы сётиське 50 процентэз лично сикын ужась колхозниклы сётиське. Нош нормаез мултэсэн быдэс'яку валэн ужан дыре 60 процентэз киязы басыны быгато. Кудогаз колхоз'эсын та пуктэмез тьяло. Сикын ужась колхозник'эслы ужам дунзэс коньдонэн чик уг тыро. Соослы трудодень гинэ начислить каро.

Ваньмыз тырмытэос сик дасян ужысь та матысь нунал'эсы палэнтэмын луыны кулэ. Колхоз председательёслы сик дасян ужен одно ик кивалтоно. Сик дасян планэз быдэстон выльсь нюрьяськоно.

Толкачов.

Уйвай сельпо куашкан дыре вуттэмын

Уйвай сельпо сярысь „Кировец“ гезетэ кемалась ик гожтэмын ой вал. Газет сигнал сельпопы урокен ёз луы. Сельпо ас ужзэ умоятон борды ёз кутскы, вуз карон ужен ёз умояты. Сельпо нырысь кулэ вуз'ёсты завозить уг кары, нош кулэтэм неходовой вуз'ёс сельполэн магазиназ уно дыре луыло. Тини сыче сельпоын ужен пуктэмен сельпо куашкан дыре вуэмын ик. 1 январозь просроченной тыронэз 22 сюрс манет ляд'яське, просроченной ссудаез 9 сюрс манет ляд'яське, IV кварталлы товарооборот 66 процентлы гинэ быдэстэмын. Сельполэсь 5000 манет растратить карем коньдонэз взыскать карымтэ. Дебиторской задолженность озы ик 5700

манет октымтэ.

Сельполэн отделениосаз озы ик уж урод пуктэмын. Оханской отделениын 1937 арын 5 продавец воштэмын. Берлоез продавец Осипов толзэз вуз карыса 62 манет растрата лэстытэ. Сельполэн председателез Ратанов Осиповез предупредить карем интые ачиз повод сётис. Осипов правленилэсь лябзэ шбдыса 2 толзэз вуз карыса 1130 манет растрата лэстытэ.

Ваньмыз та че уж'ёс Ратановлэн ляб кивалтэменыз луэмын, Районной организации Уйвай сельполэсь ужзэ умоятон борды кутсконо, сельпо ужен куашкатысьёслы пезьдэт сётоно.

Вожеватов.

Колхоз ваньбурез тус-тас каро

Кельдыш сельсоветысь „Сельхозтруд“ колхозын 3 бригадысь бригадир Трефилов колхозлэсь ваньбурзэ тус-тас карыса уха. Тини солэн бригадысьтыз 3 драпах но плуг'эс ышемын. Трефиловлэн сыче халатной уженыз гинэ ваньбур тус-тас луэмын. Шонерак вераса Трефилов Сталинской сельхоз уста-

вез тья. Уставын верамын сыче мурт'ёс кудыз ас ужасы халатно относиться карисько, ваньбурез тус-тас каро калыклэн тушмон'эсызлы соос юртто.

Сыче ик „Рекорд“ колхозын но уж пуктэмын. Колхозлэн ваньбурез тус-тас луэ. Колхозысь ваньмыз 3 усы ышемын,

Князев.

Галичанин ужен уг кивалты

„В-Четкер“ сельсоветысь „Красный путиловец“ колхозлэн председателез Галичанин Егор колхоз ужен уг кивалты. Али колхозын егын переработать карон уж куашкан дыре вуэмын колхозницаосын ужен з умой организовать карымтээн берлань бертоно луо. Озы ик кугаськон уж но уг мыны. Ю кидыс проч

кисьтымтэ. Нош Галичанин ваньзэ прорывез юыса улонназ вунэтыса улэ. Колхозник'эс котыкыче ужен жог быдэстоно шуса верасько ке Галичанин „тй трос тодыса эн улэ“ шуса колхозник'эс шэры кесяське. Райзолы та че ужен эскероно луоз.

А. Б.

КИНЛЫ ВЫГОДНО РОЖДЕСТВО?

Рождество праздник дикар'эслэн вуз религиозной праздникслэсь пёрмемын. Юано луэ, та праз-дникез, дикарстводэсь пережитокэ, верующойёсын праздновать карон кинлы выгодно?

Нырысь учком, капиталистической кун'эсын религия но поповской дурман кинлы пайда сётэ? Тодмо, капиталистической кун'эсын ужась класслэн но крестьян'эслэн положенизы туж секыт. Капиталистической кун'эсысь трудящойёслы верующойёслы соослэн молитваоссы юртэшат? Рождество кадь праздник'эс соослы юртэз'а? Уг, конешно, уг юрты!

Ужаса ульсьёслы, пе, вань секыт улонэз. капиталист'эслэсь но помещик'эслэсь — эксплуататор'эслэсь зверской издевательствозэс покыче чагиськон'эстэк, ас мылкыдэн, мылпотыса чидано шуыса поп'эс проповедывать каро.

Урод каронлы насил-ен эн пумит'яськы — танимае проповедывать каре евангельской Христос. Со луэ, что ужаса ульсьёс помещик'эслэн но капита-

лист'эслэн властьсылы пумит султыны кулэ ёвёл. Кынмыса, сютэм улонэз, угнетениез но бесправиез пумит куаретытэк переносить карон со луэ. Тонэ суткалы 14—18 час ужаны косозы — урод каронлы насил-ен эн пумит'яськы. Тынысьтыд вань семьядэ сютэк улонэн быронэ куштыса, тонэ заводысь ульчае куштозы, — чида, урод каронлы насил-ен эн пумит'яськы. Помещиклы оброк понна тынад кеносысьтыд вань урожайдэ басыто ке, гидысьтыд пудодэ нуо ке, — эн куареты, чапкем улазы мукет палэз бамдэ пукты. Тини озы дышетэ евангельской Христос.

Поп'эс но сектант'эслэн вожак'эссы, фабрикант'эслэн но помещик'эслэн заказыя, Христос муз'ем вылэ зэмос „мир но калык'эслы умой улон“ („мир и в человеках благоволения“) ванз шуыса доказывать каро. Нош та „мир“ сыче, что ужаса ульсьёс издевательствоосты мирно чидано луо но помещик'эслэсь но капиталист'эслэсь властьэс сэрпалтыны туртскыны уг быгато. Сыче

„мир“ но сыче „благоволение“ эксплуататор'эслы туж выгодно, нош ужаса ульсьёслы туж вредной луэ. Религия но, нимысь вераса, религиозной Рождество праздник господствовать карись класс'эслэн ужаса ульсьёсты п'оян средствеоенызы луэ. Калык'эсты шузимытыса (одурманивая), ужаса ульсьёслэсь сознаниез пеймыт карон понна, капиталистической рабстволэсь но фашистской режимлэсь зэмос причинаосызлэсь палэнэ карон понна религия капиталист'эслы бадзым юрттэт сётэ.

Асьмелэн, Советской Союзын, ужасьёслэн но крестьян'эслэн 20 ар чоже господствовать карытозязы ужаса ульсьёс понна зэмос шудо улон лэстытэмын. Асьмелэн эксплуатация ёвёл, бесправие ёвёл, сютэм улон, нишета, безработица ёвёл. Та шудо улонэз ужаса ульсьёслы кин сётис? „Спаситель-а“, религия, инмар-а? Оз, ужаса ульсьёс асьсэос, собствен-ной кужыменыз, асьмелэн родной Ленинлэн — Сталинлэн партиезлэн кивалтэм улсаз социализм лэстытэ, асьсэлы шудо улон завоевать каризы.

Поп'эслэсь тушмон уженуэмзэс возматис факт'эсты конязэ ке вералом.

Стахановски ужаса, фабрикант'эслэн, совхоз'эслэн, колхоз'эслэн ужазнылыксы будэ. Озы бере, советской ужасьёслэн но колхозник'эслэн улонзы умоя. Сое поп'эс тодо. Нош со калыклэн тушмон'эсызлы выгодно ёвёл. Ма бен поп'эс лэстыто? Соос кудогезлы стахановец'эслы письмоос ыстыло но стахановской амал „сблыко“ шуыса соосты убедить карыны туртско.

Та зы поп'эс лэстыто. Мукет'эсыз мукет сям ен ужало: соос асьсэлэсь тушмон ымнырзэс религиозной дурманлэсь мозмытскымтэ кудогезлэн ужаса ульсьёслэн авторитетэнызы маскировать карыны туртско. Днепрпетровскын „Трясун'эслэн“ (асьсэлэн инмарзылы вбсьяськы кузы соос куалек'яса сз'ясько) религиозной сектазы одиг ужась егит ныл Г—ская сылэм. Солэн нимыныз „трясун'эс“ котыкытын козырять каризы. Нош со Днепрпетровской областын ик чугун сюрес вылын ужась „трясун'эс“ пблысь диверсант'эс ша-

Сталинской сельхоз-уставез изучать карон мынэ

Ст.-Кыч сельсоветысь колхоз'эсын Сталинской сельхоз уставез изучать карон мынэ. Сталинской сельхоз устав азыло ик сельсоветлэн обширной пленумаз изучать карон ортытэмын. Собере колхоз'эсын кружок'эс организовать каремын. Озы ик десятидворкаен но уставез изучать карон мынэ. Уставез изучать каронын колхозник'эслэн но колхозницаослэн активностысь жутскемын. Колхозник'эс уставез нарушитель карисьёсты выявлять каро. Колхозлэсь ваньбурзэ тус-тас карисьёсын нюрьяськон нуыны активностысь будэ. Тини имени Ленина колхозлэн плугез лудэ кылемын шуыса колхозник'эс шараязы. Озы ик мукет'эссэ но тырмытэосты шараяе потто. Асьсэ вылэ азыпала урожаез жутон ласянь но пудо вордон ужен умоятон ласянь обязательство басыто.

БУЙСКИХ.

Экскурсии ветлям

Ми Тыловой НСШ-ысь VI классын дышеткисьёс Тыловой типографии экскурсия ветлям. Милем типографилэн ужамез, печатать каремез азыло тодмо ой вал. Милем типографийн ужасьёс кызы буквыосты набирать каро возматизы, озы ик машинаен кызы печатать каро сое но ми адзим. Типографийн ужасьёс милемды умой принять каризы. Ми экскурсии ветляммылы юн шум потыськом.

Дышеткись пинал'эс
Перевозчикова
Одинцова
Михайлова

раямын. Валамон Г—скаялэн нимыз соослы калык'эслы пумит'эс подлой ужзэс ватыны понна гинэ служить кариз.

Тросэз поп'эс но сектаослэн вожак'эссы фашистской разведкаослэн шпион'эссы выйлилям. Белоруссийн, Украинаын, Башкирияын, Ойротияын, Таджикистанын, Азербайджанын, Ленинградской но Калининской областэсын но Советской Союзлэн мукет интыосаз поп'эс но сектаослэн вожак'эссы пблысь шпион'эс шараямын.

Озы бере, кин религиез поддержать каре? Рождество сярысь мадиськон'эсын ужаса ульсьёсты шузимытон кинлы выгодно луэ? Со — капиталист'эслы, фашист'эслы выгодно луэ.

Асьме кунын ужасьёс но крестьян'эс тросэз инмарлы уг оско, ни но религиозной праздник'эсты праздновать уг каро. **Религиялэсь вредзэ ужаса ульсьёс ваньмыз мед валалозы,** что поп'эс но поповской праздник'эс калыклы вред сяна, номыр сётны уг быгато. Ф. ОЛЕЩУК.

Отв. редакторез
Н. П. КУКЛИН.